

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
Komisija za izbor
SARAJEVO

Na osnovu člana 55., u vezi člana 48. stav (1) tačka b) i stav (2) Zakona o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20), člana 75. Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20), člana 11. Pravilnika o sadržaju načinu i rasporedu testiranja i sistemu bodovanja kandidata u procesu odabira policijskih službenika u upravu policije Ministarstva unutrašnjih poslova Kantona Sarajevo ("Službene novine Kantona Sarajevo", broj: 18/21), Odluke o popuni radnih mjesta policijskih službenika u početnom činu „mlađi inspektor” br. 02-47/23 od 30.03.2023. godine, Zaključka Vlade Kantona Sarajevo broj: 02-05-30090-10/18 od 16.08.2018. godine i Rješenja o imenovanju Komisije za izbor broj: 02/5-1-30-1-2347 od 28.04.2023. godine, Komisija za izbor Uprave policije Ministarstva unutrašnjih poslova Kantona Sarajevo, o b j a v l j u j e

JAVNI KONKURS
za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu "MLAĐI INSPEKTOR"- 30 izvršilaca

A. Opšti i posebni uslovi za zapošljavanje

Za zasnivanje radnog odnosa policijskih službenika u početnom činu "MLAĐI INSPEKTOR" kandidati moraju ispunjavati opšte uslove predviđene članom 52. Zakona o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20, u daljem tekstu: Zakon) i članom 8. Pravilnika o sadržaju načinu i rasporedu testiranja i sistemu bodovanja kandidata u procesu odabira policijskih službenika u upravu policije Ministarstva unutrašnjih poslova Kantona Sarajevo ("Službene novine Kantona Sarajevo" broj: 18/21, u daljem tekstu: Pravilnik), i to:

- državljanstvo Bosne i Hercegovine,
- životna dob do 35 godina života (uključujući 35. godinu života),
- stečena diploma visokog obrazovanja VII stepen stručne spreme ili stečena diploma o završenom prvom ciklusu Bolonjskog sistema studiranja koji se vrednuje sa 240 ECTS studijskih bodova pravnih ili kriminalističkih, kriminoloških ili sigurnosnih studija (dodiplomski studij) akreditirane visokoobrazovne institucije (u pogledu školske spreme utvrđeni su identični uslovi za svih 30 radnih mjesta, a u skladu sa tačkom IV Odluke o popuni radnih mjesta policijskih službenika u činu „mlađi inspektor”, br. 02-47/23 od 30.03.2023. godine),
- da je fizički i psihički sposoban za obavljanje policijskih poslova,
- da nije otpušten sa bilo koje pozicije u organima državne uprave, institucije sa javnim ovlaštenjima na svim nivoima u Bosni i Hercegovini ili vojne službe u Bosni i Hercegovini kao rezultat disciplinske sankcije,
- da protiv njega nije pokrenut krivični postupak i da nije izrečena pravosnažna kazna zatvora za krivično djelo, osim za krivična djela protiv bezbjednosti saobraćaja, u skladu sa krivičnim zakonodavstvom,
- da nije odbio da se pojavi pred Međunarodnim krivičnim tribunalom za bivšu Jugoslaviju kao lice optuženo od strane tog tribunala.

Opšti uslov koji se odnosi na životnu dob kandidat za kadeta mora ispunjavati na dan objave javnog konkursa.

Osobe kojima je UN/IPTF odbio certifikaciju dužne su u pisanoj formi iznijeti razloge odbijanja certifikacije i dostaviti primjerak relevantnog dokumenta UN/IPTF kojim se potvrđuje odbijanje certifikacije u skladu sa članom 131. Zakona o policijskim službenicima Kantona Sarajevo, te se ove osobe izuzimaju od primjene kriterija koji se odnosi na životnu dob kandidata.

Pored opštih uslova koji se odnose na prijem u radni odnos policijskih službenika, kandidati za prijem moraju ispunjavati slijedeće posebne uslove predviđene članom 53. Zakona i članom 8. Pravilnika, i to:

- da nema sigurnosnih smetnji shodno utvrđenom stepenu tajnosti za radno mjesto u skladu sa Zakonom o zaštiti tajnih podataka ("Službeni glasnik BiH" br. 54/05 i 12/09),
- da ima propisane psihofizičke sposobnosti potrebne za obavljanje poslova policijskog službenika u skladu sa Pravilnikom o kriterijima i načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", br. 14/23),
- da ima položen vozački ispit "B" kategorije.

B. Dokumentacija kojom se dokazuje ispunjavanje opštih i posebnih uslova za zapošljavanje

Neophodni dokumenti koji se dostavljaju uz prijavu na javni konkurs:

- **dokaz o državljanstvu BiH - uvjerenje o državljanstvu BiH** (pod važećim uvjerenjem o državljanstvu podrazumijeva se uvjerenje koje nije starije od 6 mjeseci, pri čemu se navedeni rok računa od dana izdavanja uvjerenja od nadležnog organa do dana predaje prijave na javni konkurs);
- **izvod iz matične knjige rođenih;**
- **dokaz o završenom VII stepenu stručne spreme ili završenom prvom ciklusu Bolonjskog sistema studiranja koji se vrednuje sa 240 ECTS studijskih bodova pravnih ili kriminalističkih, kriminoloških ili sigurnosnih studija** (dodiplomski studij) akreditirane visokoobrazovne institucije;

Pod dokazom se podrazumijeva univerzitetska diploma, odnosno ovjerena kopija univerzitetske diplome. Izuzetno, ukoliko kandidat iz određenog razloga ne posjeduje univerzitetsku diplomu, on može dostaviti i ovjerenu kopiju uvjerenja o diplomiranju koje ne može biti starije od roka potrebnog za izdavanje diplome odnosno ne može biti starije od jedne godine u kojem slučaju je kandidat dužan dostaviti i potpisano kratko obrazloženje – izjavu iz kojeg razloga dostavljaju uvjerenje, a ne ovjerenu kopiju univerzitetske diplome, te ukoliko diploma nije izdata u predviđenom roku, kandidati su obavezni dostaviti dokaz (npr. potvrda, obavijest i sl.) visokoškolske ustanove da diploma nije izdata. Kandidati koji su visoko obrazovanje stekli po Bolonjskom sistemu studiranja obavezni su uz diplomu dostaviti i dodatak diplomi (original ili ovjerena kopija) u skladu sa odredbama člana 54. Okvirnog zakona o visokom obrazovanju u Bosni i Hercegovini („Službeni glasnik BiH”, br. 59/07 i 59/09). Izuzetno, samo u slučaju da visokoškolska ustanova dodatak diplomi nije uopće izdavala ni za jednog diplomca, kandidat je dužan uz ovjerenu kopiju univerzitetske diplome dostaviti dokaz (npr. uvjerenje, potvrdu i sl.) visokoškolske ustanove da dodatak diplomi uopće nije izdat ni za jednog diplomca, a navedeni dokaz ne može biti stariji od dana objave javnog konkursa. Kandidati koji su fakultet završili izvan Bosne i Hercegovine, odnosno koji su diplomu stekli u nekoj drugoj državi nakon 06.04.1992. godine, u obavezi su dostaviti ovjerenu kopiju nostrificirane/priznate diplome, u skladu sa odredbama Zakona o važnosti javnih isprava u Bosni i Hercegovini („Sl. Glasnik BiH”, br. 23/04). Kako se u

opštim uslovima traži precizno određena vrsta školske spreme, relevantna je kvalifikacija osnovnog odnosno dodiplomskog studija. Kandidati ne trebaju dostavljati uvjerenje o diplomiranju niti univerzitetske diplome akademskog zvanja magistra ili ekvivalenta, akademskog zvanja doktora ili ekvivalenta ili druge slične diplome, budući da one ne mogu dokazati stečeno zvanje završenog dodiplomskog (osnovnog) studija.

Također, ukoliko se iz naziva visokoškolske ustanove, odnosno stečene akademske titule ili stručnog zvanja ne može utvrditi da se radi o pravnim ili kriminalističkim, kriminološkim ili sigurnosnim studijama, kandidati su obavezni dostaviti dokaz (npr. potvrda, obavijest i sl.) visokoškolske ustanove da se radi o vrsti studija, odnosno studijskom programu traženim javnim konkursom, a navedeni dokaz ne može biti stariji od dana objave javnog konkursa.

- **ovjerena izjava kandidata** da nije otpušten sa bilo koje pozicije u organima državne uprave, institucije sa javnim ovlaštenjima na svim nivoima u Bosni i Hercegovini ili vojne službe u Bosni i Hercegovini kao rezultat disciplinske sankcije. Ovjera izjave vrši se kod nadležnog organa. **Pored navedene izjave, kandidati koji su bili ili su još uvijek zaposleni u organima državne uprave** ili institucije sa javnim ovlaštenjima na svim nivoima u Bosni i Hercegovini ili vojne službe u Bosni i Hercegovini, **dužni su dostaviti i potvrdu/uvjerenje** poslodavca, da kandidat nije otpušten sa bilo koje pozicije kao rezultat disciplinske sankcije;
- **Izjava kandidata ovjerena od strane nadležnog organa da kandidat nije odbio da se pojavi pred Međunarodnim krivičnim tribunalom za bivšu Jugoslaviju kao lice optuženo od strane tog tribunala;**
- **Lica iz člana 131. stav (3) Zakona dužna su dostaviti ovjerenu izjavu o razlozima odbijanja certifikacije i original ili ovjerenu fotokopiju relevantnog dokumenta UN/IPTF-a kojim se potvrđuje odbijanje certifikacije.**

Komisija će na osnovu broja vozačke dozvole koji su kandidati obavezni navesti u Prijavnom obrascu (Prijava na javni konkurs), po službenoj dužnosti, putem nadležne organizacione jedinice, vršiti provjeru vjerodostojnosti vozačke dozvole za uspješne kandidate sa bodovne liste (za broj kandidata koji odgovara broju oglašanih radnih mjesta).

Ogledni primjeri traženih izjava kojima se dokazuje ispunjavanje opštih uslova dostupni su u prilogu javnog konkursa na internet stranici Ministarstva unutrašnjih poslova Kantona Sarajevo (<https://mup.ks.gov.ba/>). Izjave moraju biti ovjerene od strane nadležnog organa i ne mogu biti starije od dana objave Javnog konkursa.

Komisija će uslove koji se odnose na fizičku i psihičku sposobnost za obavljanje policijskih poslova, činjenicu nepokretanja/pokretanja krivičnog postupka i neizricanja/izricanja pravosnažne kazne zatvora, kao i postojanje propisane psihofizičke sposobnosti potrebne za obavljanje poslova policijskog službenika, iz člana 52. stav (1) tačka d) i f) i člana 53. tačka b) Zakona, odnosno člana 8. stav (1) tačka d) i f) i stava (2) tačka b) Pravilnika, utvrditi po službenoj dužnosti i to za uspješne kandidate sa bodovne liste (za broj kandidata koji odgovara broju oglašanih radnih mjesta).

Uslov koji se odnosi na nepostojanje/postojanje sigurnosnih smetnji Komisija će utvrditi po službenoj dužnosti putem nadležne organizacione jedinice, nakon što policijski komesar odobri Listu kandidata predloženih za osnovnu obuku za kadete. Kandidati će biti podvrgnuti sigurnosnim provjerama u skladu sa Zakonom o zaštiti tajnih podataka („Službeni glasnik BiH“ br. 54/05 i 12/09) i podzakonskim propisima donesenim na osnovu navedenog zakona, za odgovarajući stepen tajnosti.

Ukoliko se utvrdi da postoje sigurnosne smetnje, kandidat se ne uvrštava u konačnu listu kandidata predloženih za osnovnu obuku kadeta i isključuje se iz dalje procedure, a upražnjena pozicija se ne može popunjavati sa drugim kandidatima koji su učestvovali u proceduri.

C. Vrste testova koji kandidati polažu

Kandidati koji ispunjavaju opšte i posebne uslove, izuzev uslova koje policijski organ utvrđuje po službenoj dužnosti u toku postupka za izbor, te koji su podnijeli potpisanu pismenu prijavu na propisanom obrascu i koji su podnijeli svu traženu dokumentaciju, imaju pravo pristupa testiranju, koje u skladu sa članom 57. stav (3) Zakona i članom 15. Pravilnika uključuje redosljedno slijedeće:

a) test opšteg znanja;

b) test fizičke sposobnosti;

c) intervju (za kandidate koji ostvare jednak broj bodova);

a) Test opšteg znanja sadrži pitanja sa Liste ispitnih pitanja za test opšteg znanja - čin "mlađi inspektor" koja je za tekuću godinu utvrdio policijski komesar, a koja su objavljena 10. januara 2023. godine na zvaničnoj web stranici Ministarstva (<https://mup.ks.gov.ba/>).

Test opšteg znanja boduje se u rasponu od 0 do 50 bodova, a eliminacioni prag za test opšteg znanja iznosi 70% od maksimalnog broja bodova koji se mogu ostvariti u ovoj vrsti testa – ukupno 35 bodova ostvarenih na testu opšteg znanja. Ukoliko kandidat ne ostvari eliminacioni prag na testu opšteg znanja, tada gubi pravo da pristupi narednom testu i isključuje se iz daljeg izbornog procesa.

Vrijeme testiranja iznosi 90 minuta i vrši se, putem desktop računara. Kandidatima će prilikom pristupanja testiranju biti uručeni podaci o korisničkom imenu i lozinki pomoću kojih će pristupati računarskom programu, te će im biti date detaljne upute koje se odnose na korištenje računarskog programa.

b) Test fizičke sposobnosti obuhvata četiri discipline (beep test, sklekovi, trbušnjaci i skok udalj iz mjesta) i provodi se prema standardima fizičke sposobnosti utvrđenim u tabelarnim prikazima koji su dati u Prilogu 2. Pravilnika.

Utvrđeni standardi fizičke sposobnosti uvažavaju tjelesne sposobnosti uzrokovane biološkim razlikama između muškaraca i žena.

Metodologija provođenja testa fizičke sposobnosti objavljena je u prilogu ovog Konkursa na oglasnoj ploči i na internet stranici Ministarstva.

Kandidat je obavezan prije pristupanja testu fizičke sposobnosti potpisati Izjavu da dobrovoljno pristupa testu fizičke sposobnosti, te da je upoznat da u slučaju njegovog povređivanja ili drugog oblika narušavanja zdravstvenog stanja, Uprava policije ne snosi nikakvu odgovornost.

Test fizičke sposobnosti boduje se u rasponu od 2 do 20 bodova, a eliminacioni prag za test fizičke sposobnosti predstavlja rezultat ispod zadovoljavajućeg minimuma utvrđen za svaku disciplinu koja je obuhvaćena testom fizičke sposobnosti. Ukoliko kandidat u bilo kojoj od četiri discipline ne ostvari zadovoljavajući minimum, odnosno ne ostvari rezultat od minimalno 2 boda, nije zadovoljio minimum standarda i isključuje se iz daljeg procesa testiranja.

c) Intervju

Za kandidate koji ostvare jednak broj bodova Komisija će provesti intervju. Intervju se provodi samo za posljednje rangirane kandidate koji ostvare jednak broj bodova u odnosu na oglašeni broj slobodnih radnih mjesta.

Intervju se boduje u rasponu od 0 do 10 bodova, a bodovi ostvareni na intervjuu se odnose samo na kandidate za koje je i proveden ovaj test, a ne na ostvarene bodove drugih kandidata koji učestvuju u procesu testiranja.

Intervju će se provoditi na način da se svakom kandidatu postave dva identična pitanja. Prvo pitanje će biti postavljeno iz Zakona o policijskim službenicima Kantona Sarajevo ("Sl. novine Kantona Sarajevo", br. 38/18, 26/19 i 39/20). Drugo pitanje će biti postavljeno iz Zakona o krivičnom postupku Federacije BiH („Službene novine F BiH“, br. 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20).

Intervju ne može trajati duže od 30 (trideset) minuta.

D. Bodovanje kriterija propisanih Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj: 37/20 i 27/21)

Nakon provođenja testa opšteg znanja i testa fizičke sposobnosti i izvršenog bodovanja istih, za kandidate koji su ostvarili eliminacioni prag na navedenim testovima, a koji spadaju u korisnike prava po Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 37/20 i 27/21, u daljem tekstu: Uredba), vrši se dodatno bodovanje kriterija koji su propisani navedenom Uredbom.

Kriteriji i vrednovanje propisani navedenom Uredbom provode se u skladu sa odredbama ove Uredbe i Instrukcije o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 38/20 i 28/21).

Status korisnika prava po navedenoj Uredbi kandidati dokazuju sljedećom dokumentacijom:

1. Član porodice šehida/ poginulog, umrlog i nestalog branioca:

- Uvjerenje o statusu djeteta šehida-poginulog, umrlog i nestalog branioca,
- Rješenje o priznatom pravu na porodičnu invalidninu za suprugu šehida - poginulog, umrlog i nestalog branioca,
- Uvjerenje o učešću u Oružanim snagama za šehida-poginulog, umrlog i nestalog branioca, Organ koji izdaje naprijed navedenu dokumentaciju: Općinska služba za boračko-invalidsku zaštitu, Grupa za pitanja evidencija iz oblasti vojne obaveze prema mjestu prebivališta.

2. Ratni vojni invalid:

- Rješenje o priznatom svojstvu ratnog vojnog invalida; Organ koji izdaje naprijed navedenu dokumentaciju: Općinska služba za boračko-invalidsku zaštitu;

3. Dobitnik ratnog priznanja i odlikovanja:

- Rješenje o priznatom pravu na mjesečno novčano primanje dobitniku priznanja; Organ koji izdaje naprijed navedenu dokumentaciju: Općinska služba za boračko-invalidsku zaštitu;

4. Demobilizirani branioci:

- Uvjerenje o učešću u Oružanim snagama; Organ koji izdaje naprijed navedenu dokumentaciju: Grupa za pitanja evidencija iz oblasti vojne obaveze prema mjestu prebivališta;

5. Dijete:

a) ratnog vojnog invalida

- Uvjerenje o statusu djeteta ratnog vojnog invalida, Rješenje o priznatom pravu na invalidninu, Organ koji izdaje naprijed navedenu dokumentaciju: Općinska služba za boračko-invalidsku zaštitu;

b) dobitnika ratnog priznanja i odlikovanja

- Rješenje o priznatom pravu na mjesečni novčani dodatak. Organ koji izdaje naprijed navedenu dokumentaciju: Općinska služba za boračko-invalidsku zaštitu;

c) demobiliziranog branioca

- uvjerenje o učešću u Oružanim snagama
Organ koji izdaje naprijed navedenu dokumentaciju: Grupa za pitanja evidencija iz oblasti vojne obaveze prema mjestu prebivališta;

6. Supruga ratnog vojnog invalida

- Uvjerenje o statusu supruge ratnog vojnog invalida, Rješenje o priznatom pravu na invalidninu;
Organ koji izdaje naprijed navedenu dokumentaciju: Općinska služba za boračko-invalidsku zaštitu

Uz dokumentaciju kojom dokazuju svoj status pripadnosti braniteljskoj populaciji, kandidati su dužni dostaviti dokumentaciju koja ne može biti starija od dana objave Javnog konkursa, a kojom dokazuju da imaju prijavljeno prebivalište/boravište u Kantonu Sarajevo i da se nalaze na evidenciji nezaposlenih lica u JU "Služba za zapošljavanje Kantona Sarajevo" ili da su zaposleni sa nižom stručnom spremom od one koju posjeduju ili da su zaposleni na određeno vrijeme, i to:

- Dokaz o prijavljenom prebivalištu/boravištu u Kantonu Sarajevo: Obavještenje da je uveden u evidenciju prebivališta/boravišta sa ličnim podacima - Obrazac PBA3 (ne starije od dana objave javnog konkursa),
- Dokaz da se kandidat nalazi na evidenciji nezaposlenih lica u JU "Služba za zapošljavanje Kantona Sarajevo": Uvjerenje/potvrda nadležne službe za zapošljavanje prema mjestu prebivališta kandidata o statusu nezaposlenog lica (ne starije od dana objave javnog konkursa) ili dokaz da je kandidat zaposlen sa nižom stručnom spremom od one koju posjeduje: potvrda poslodavca sa obaveznom naznakom stepena stručne spreme (zanimanja) na osnovu koje je kandidat zasnovao radni odnos kod poslodavca (ne starija od dana objave javnog konkursa) ili dokaz da je kandidat zaposlen na određeno vrijeme: potvrda/uvjerenje poslodavca sa obaveznom naznakom trajanja ugovora (ne starija od dana objave javnog konkursa).

Naprijed navedenu dokumentaciju, iz tačke D. ovog konkursa, dostavljaju samo kandidati – korisnici prava po Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 37/20 i 27/21), a istu mogu dostaviti najkasnije do isteka roka za prijavu na ovaj javni konkurs.

E. Upućivanje kandidata na ljekarski pregled

Komisija u roku od 15 dana od dana posljednjeg provedenog testiranja kandidate koji su ostvarili najveći broj bodova upućuje na ljekarski pregled u JU Zavod za zdravstvenu zaštitu uposlenika Ministarstva unutrašnjih poslova Kantona Sarajevo. Na ljekarski pregled se upućuje onaj broj kandidata koji odgovara broju oglašanih radnih mjesta. Ukoliko neki od kandidata ne prođe ljekarski pregled isključuje se iz procesa odabira, te se na ljekarski pregled upućuje sljedeći kandidat sa najviše ostvarenih bodova.

Ljekarski pregled kandidata se vrši u skladu sa Pravilnikom o kriterijima i načinu utvrđivanja zdravstvene sposobnosti policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo" br. 14/23), te u skladu sa Metodologijom ljekarskog pregleda objavljenoj u prilogu ovog Konkursa na oglasnoj ploči i na internet stranici Ministarstva.

Kandidati prilikom prijave na javni konkurs nisu dužni dostavljati dokumentaciju koja se odnosi na provođenje ljekarskog pregleda, a koja čini sastavni dio Metodologije ljekarskog pregleda (Prilog 2), već istu dostavljaju prilikom provođenja ljekarskog pregleda.

F. Ostale važne napomene za kandidate

Eliminacioni prag predstavlja onaj broj bodova koji je dovoljan za uspjeh kandidata na testu i sticanje prava za pristupanje narednom testu. Ukoliko kandidat ne ostvari eliminacioni prag na određenom testu, tada gubi pravo da pristupi narednom testu i isključuje se iz daljeg izbornog procesa.

Nepristupanje ili kašnjenje kandidata iz bilo kojeg razloga zakazanom testiranju smatra se kao odustanak kandidata od podnesene prijave.

Komisija se stara o redu prilikom provođenja testiranja. Prilikom testiranja nije dozvoljeno korištenje bilo kakvih drugih sredstava (npr. mobiteli i sl.) i materijala, izuzev onih koje Komisija odredi.

Komisija isključuje iz daljeg postupka kandidata koji se ne pridržava uputa o redu i pravila koje odredi Komisija prilikom testiranja i svojim ponašanjem ometa postupak testiranja ili koji prilikom testiranja koristi nedozvoljena sredstva odnosno prepisuje ili zatraži odgovore od drugog kandidata ili koji učini dostupnim odgovore drugom kandidatu.

Obavijesti o datumu, vremenu i mjestu testiranja, kao i sve druge vrste obavijesti koje su od značaja za konkursnu proceduru vrše se putem oglasne ploče i internet stranice Ministarstva (<https://mup.ks.gov.ba/>), te se ovakav način obavještanja smatra urednim u skladu sa odredbama Pravilnika. Ukoliko kandidat ne postupi po ovim obavijestima smatra se da je odustao od dalje konkursne procedure.

Kandidatima će se odrediti šifre pod kojim će se kandidati voditi u toku cjelokupnog procesa provođenja javnog konkursa, a sve u cilju postupanja u skladu sa Zakonom o zaštiti ličnih/osobnih podataka ("Službeni glasnik BiH", br. 49/06, 76/11 i 89/11).

Uprava policije ne preuzima obavezu zdravstvene zaštite i osiguranja kandidata za vrijeme postupka izbora.

Trajanje osnovne obuke za kadete iznosi 4 (četiri) mjeseca, a po zasnivanju radnog odnosa probni rad traje ukupno 12 (dvanaest) mjeseci.

Prijava na javni konkurs vrši se na propisanom prijavnom obrascu koji je dostupan na internet stranici Ministarstva (<https://mup.ks.gov.ba/>), a koji je objavljen uz javni konkurs, a može se preuzeti i u prostorijama pisarnice Ministarstva. Sve rubrike u prijavnom obrascu moraju biti čitko popunjene uz obavezan svojeručan potpis kojim se potvrđuju navodi iz izjave čiji se sadržaj ne dokazuje posebnim dokumentima, a odnose se na saglasnost za obradu ličnih podataka kandidata.

Kandidat koji se prijavio na javni konkurs, a koji ne ispunjava sve opšte i posebne uslove, izuzev uslova koje Komisija utvrđuje po službenoj dužnosti, odnosno koji nije podnio pismenu prijavu na propisanom obrascu ili prijava ne sadrži tražene podatke ili uz prijavu nije priložio dokumentaciju utvrđenu javnim konkursom ili nije predao prijavu i dokumentaciju u propisanom roku, Komisija prijavu tog kandidata ne prihvata i istog uvrštava na Listu kandidata koji nisu ispunili uslove za pristupanje testiranju.

Javni konkurs ostaje otvoren 30 dana od dana posljednjeg objavljivanja javnog konkursa u dvije dnevne novine koje se distribuiraju širom Bosne i Hercegovine. Prijava sa potrebnim dokumentima se predaje lično (uz predočavanje identifikacionog dokumenta sa slikom i potpisom) u zatvorenoj koverti, najkasnije u roku od 30 dana od dana posljednjeg objavljivanja javnog konkursa, Upravi

policije neposredno na Pisarnicu Ministarstva ili putem preporučene pošte na adresu:

**“Uprava policije MUP-a Kantona Sarajevo, ul. La Benevolencije broj 16, 71000 Sarajevo”,
sa naznakom “za Javni konkurs - početni čin mladi inspektor - NE OTVARATI”.**

Radno vrijeme Pisarnice MUP-a Kantona Sarajevo je od ponedjeljka do petka od 07:30 do 16:00 sati.

Kandidati koji su dokumentaciju uputili preporučenom poštom će biti upoznati o dodijeljenoj šifri putem e-mail adrese koju su dužni navesti u prijavnom obrascu, u za to odgovarajućoj rubrici, a potvrdu o dodijeljenoj šifri će preuzeti prilikom provođenja testa opšteg znanja.

Potrebni dokumenti-dokazi o ispunjavanju opštih i posebnih uslova javnog konkursa predaju se u originalu ili ovjerenom fotokopiji i **ne podliježu vraćanju**. Kandidati su obavezni uz svoju prijavu predati isključivo dokumentaciju koja se traži ovim javnim konkursom. Nije potrebno dostavljati dokumentaciju kojom se dokazuje ispunjavanje bilo kakvih drugih uslova (kursevi, stručna usavršavanja, drugi vidovi edukacije i slično).

Pored provjere podataka vjerodostojnosti vozačke dozvole, Komisija po službenoj dužnosti vrši i provjeru drugih podataka u slučajevima kada ocijeni da je to neophodno.

U okviru ovog konkursa biće osigurane jednake mogućnosti za sve osobe bez diskriminacije po bilo kojem osnovu.

KOMISIJA ZA IZBOR